



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 5. Vtrum ad mouendum voluntatem necessaria sit cognitio iudicatiua
intellectûs; an verò sufficiat apprehendiua.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

64 Quæst. 9. De Motu Voluntatis. Art. 1. Dub. 4. 5.

Ex dictis sequitur implicare contradictionem, vt voluntas aliquid velit sine actuali illius cognitione; quia à cognitione obiecti speciem trahit.

Obijicitur Primo, Dionysius Areop. cap. 1. de Myistica Theologia, & alibi docet, Supremam unionem cum Deo, esse interdum per ignorationem & ablationem omnium operationum sensus & intellectus.

Respondeo, Per ignorationem, intelligit cognitionem Dei, quæ habetur per negationem omnium conceptuum obiectuorum, qui à nobis concipi possunt; non autem absentiam omnis cognitionis; vt argumentum supponit.

Vbi Notandum est, Ad intelligentiam multorum locorum Dionysius dupl. Deum à nobis cognosci posse; Primo, Per affirmaciones, id est, conceptus positivus diuinarum perfectionum; vt cùm concipimus Deum esse potentissimum, sapientissimum, optimum, iustissimum, esse vitam, lucem, potentiam, sapientiam, bonitatem, &c. Hanc cognitionem vult esse minus sublimem, eamque vult relinquere, vt supremo modo Deo uniamur. Secundo, Per negationes, id est, per negationem omnium perfectionum, quæ à nobis concipi possunt; vt quando concipimus Deum non esse substantiam, non esse vitam, non sapientiam, non potentiam, non bonitatem, non veritatem, non Deitatem (nempe eo modo quo haec à nobis concipi possunt) sed esse quiddam omnibus his eminentius. Hanc cognitionem vocat ignorationem, eamque dicit multò illà priore sublimorem, & maximè idoneam ad supremam cum Deo unionem. Vide illud c. 2. 3. 4. & 5. de Myistica Theologia.

Obijicitur Secundo, Voluntas potest intellectum ad quidlibet cogitandum applicare: atqui hoc fieri non potest nisi ipsa in rem illam, ante omnem illius cognitionem, possit ferri: ergo, &c.

Respondeo Negando Minorem: Non enim potest applicare intellectum ad alicuius rei cognitionem, nisi intellectus iam antea rem illam aliquo modo, saltem confusè cognoscat: vt recte docet D. Augustinus lib. 10. de Trinitate cap. 10. Et quia intellectus potest confusè plurima considerare, vel etiam omnia; ideo voluntas potest illum applicare, vt quidvis ex tota illa multitudine distinctori consideret.

Obijicitur Tertiò, Voluntas potest velle, vt intellectus nihil cogitet; & si sit efficax, ita fiet. Ergo tunc voluntas habebit velle, intellectu nihil cogitante.

Respondeo, Voluntas quæ quis vult nihil cogitare, non potest habere effectum in illo instanti, in quo ipsa est; sed solum immediate post illud, & tunc simul etiam ipsa cessabit. Quod si velit eodem instanti quo ipsa est, intellectum nihil cogitare, est sibi ipsi contraria & ineficax.

Obijicitur Quartò, Postquam per contemplationem excitati sumus ad amorem Dei, experimur interdum amorem perseverare, veluti quemdam calorem impressum, cessante contemplatione; sicuti calor perseverat luce semota. Et confirmatur, quia intellectus non adiuvat se quidquam amplius de Deo cogitare; ergo, &c.

Respondeo, Negando illam experimentiam: fieri enim nequit, vt intellectus nihil cogitante,

voluntas amorem continuet. Fit tamen perspècte, vt intellectus non adiuvat se de Deo cogitare; nam ita rapitur in Deum actu directo (accidente præsertim amore Dei) vt non reflectat se super seipsum, aut super ea quæ circa se sunt; unde non adiuvat se contemplari: hæc enim animaduersio non fit nisi per actum reflexum. Quin imò hoc signum est, cum tunc attentissime contemplari.

Obijicitur Quintò, Cognitio obiecti est solum conditio quædam necessaria ad actum voluntatis: habet enim se tamquam applicatio obiecti: ergo non est essentialiter necessaria; ac proinde saltem diuina virtute eius defectus suppleri poterit.

Respondeo, Cognitionem esse quidem conditionem obiecti; non tamen se habere instar conditionis accidentiarum, sicut applicatio localis obiecti (hæc enim cùm accidentaria sit, super pleri potest; fieri enim potest diuina virtute ut etiam remotissima oculis videamus:) sed est essentialiter necessaria ad actum voluntatis. Sicut, vt materia & forma constituant unum compositum, requirunt mutua & intima presentia, & mutua uno tamquam conditio: quæ tamen conditio est essentialiter necessaria, nec ullo modo eius defectus potest per aliud suppliri. Simili modo vt obiectum moveat voluntatem, requiritur eius cognitio; ita vt nullo modo eius defectus possit suppliri. Cuius signum est, quod etiam in Deo actus voluntatis supponat cognitionem; adeò vt Deus nec se, nec aliud amare possit, nisi cognoscat.

D V B I V M V.

Ytrum ad mouendam voluntatem necessaria sit cognitio iudicativa intellectus; an vero sufficiat apprehensio?

S Vppono Primo, Non sufficere cognitionem phantasia ad mouendam voluntatem. Ratio est; quia voluntas est suprema inclinatio in homine tendens in bonum: ergo non potest sequi nisi supremam cognitionem, quæ est intellectus: debet enim habere regulam sibi proportionatam. Hinc Aristoteles voluntatem p̄f̄m̄ vocat appetitum intellectuum; quod propria eius regula fit intellectus.

Suppono Secundo, In intellectu esse duos actus, Apprehensionem, & Iudicium. Per Apprehensionem concipimus vel aliquid simplex, vt Deum, Angelum, &c. vel aliquid complexum, vt nos esse in celo, esse Reges, &c. non quidem existimando sic esse; sed solum imaginando, & ita menti obiectando ac si vere sic esset. In hoc actu propriè non est veritas, aut falsitas. Iudicium autem estactus, quo aliquid putatur sic esse vel non esse; in hoc semper est veritas vel falsitas.

His positis, Medina hoc loco, & quidem alii existimant, semper requireti aliquod iudicium ad actum voluntatis; quia non ideo appetimus aliquid, quod apprehendamus esse bonum, sed quod verè putemus esse bonum.

Contrarium tenet & fusè probat Marsilius in 2. q. 16. a. 1. Idem tenet Scotus in 2. d. 6. q. 1. negat, ad argumenta: & Gabriel eadem distinctione. Pro quo,

Dico

18
voluntas
obiectio-
nes.

Cognitio
Dei per
negationes
est subli-
mior eā,
qua est per
affirmatio-
nes apud
Dionysium.

Vide l. 1.
de Perfecto
divino,
c. 3.

Quomodo
voluntas
applicet
intellectum
ad rem de-
sermina-
tum.

19
Cognitio
non sufficit
ad mouen-
dam vo-
luntatem.

20 Dico Primo, Verius videri, non requiri ad quemuis motum voluntatis aliquod formale iudicium; sed sepe sincere simplicem apprehensionem obicit, per modum boni vel mali.

Probatur Primo, Quia apprehensio simplex potest mouere appetitum lenitatum: ergo similis apprehensio in intellectu poterit mouere appetitum intellectuum. Consequentia probatur, quia similis est proportio. Antecedens patet, non solum in animalibus imperfectis, de quibus id probat Marsilius, sed etiam in perfectis. Ovis enim apprehensio lupo fugit; & tamen non habet nisi simplicem apprehensionem lupi, sub ratione mali.

Dices, Ovis iudicat lupum inimicum.

Respondeo, Id valde impropriè dici; cum non sit capax ullius iudicij, nisi quod in nuda apprehensione potest includi; vt statim patebit.

Probatur Secundo, Experiencia docet homines delectari rebus imaginatis, & apprehensis, quas tamen non iudicant sibi esse absolute conuenientes; vt cum imaginantur se esse Reges, se vincere, triumphare, volare, &c.

Probatur Tertio, Experiencia docet nos posse amare, & velle quidquid apprehenditur sub ratione boni; & nolle quidquid proponitur sub ratione mali, etiamsi de eo nullum sit formale iudicium. Hoc modo Scotus, Gabriel, & alii quidam, Luciferum optasse aequalitatem Dei abique illo iudicio propriè dicto, putant.

Probatur Quartu, Quia primi motus plerumque in nobis abique aliquo formal iudicio excitantur per nudam apprehensionem rei conuenientis vel dilconuenientis: mouemur enim istis motibus antequam iudicemus, si ne res absolute conueniens, an disconueniens.

Ratio horum omnium est, Quia cognitione non mouet appetitum per se immediatè, sed solum quatenus proponit obiectum; ostendendo eius pulchritudinem & bonitatem, vel delectationem, vt supra dictum est; tunc enim immediate ipsum obiectum mouet: sed haec possunt ostendi per simplicem apprehensionem, vt experientia docet. Potest enim pulchritudo & voluptas apprehendi & proponi absque formali iudicio, quo iudices rem illam esse pulchram vel delectabilem: ergo obiectum sic propositum poterit allicer appetitum. Et sanè nulla potest dari ratio, cur apprehensio pulchritudine, vel obiecto delectabili, voluntas non possit alluci & affici; nisi accedit formale iudicium. Hoc est pulchrum, hoc est delectabile. Ad multos igitur motus sufficit apprehensio.

Hinc infert Marsilius, Periculosum esse imaginari delectabilia tactus; quia sola apprehensio illorum potest prauos motus excitare.

Dico Secundo, In omni tamen huiusmodi apprehensione continetur implicitum quoddam, seu virtuale iudicium, quo implicitè iudicatur res esse bona vel mala.

Probatur, Quia qui apprehendit, v.g. esse Regem, esse Angelum, sub ratione boni; implicitè iudicat rationem boni illi conuenire: sicut qui apprehendit Iohannem sub ratione hominis, implicitè iudicat rationem hominis conuenire rei apprehensio. Ratio est, quia res simplices non possunt apprehendi nisi secundum rationes proprias, vel communes, actu vel potestate ipsis in-

hærentes: alioqui non ipse, sed alia apprehenderentur. Itaque hoc ipso, quo aliquid apprehenditur sub aliqua ratione, implicitè iudicatur illa ratio illi conuenire. Vnde non est verum, quod hic ait Medina, Beatitudinem secundum se posse apprehendendi, vt malam. Si enim apprehenderetur vt mala, non ipsa, sed aliud appetendum se posse apprehendetur; cum in ipsius apprehensione carientia omnis mali apprehendatur. Atqui fieri nequit, vt aliquid apprehendatur sub rationibus malorum contradictorijs.

Dices, Possunt apprehendi monstra quæ constent geminâ naturâ; vt Tragelaphus, quod significat animal constans naturâ cerui & hirci: quale tamen esse; implicat contradictionem: ergo &c.

Respondeo, Huiusmodi monstra non posse apprehendendi nisi secundum formam externam; quo modo non implicant contradictionem. Non enim natura cerui & hirci possunt apprehendi, vt partes constituentes unam integrum naturam; cum in illarum ratione continetur, quod sint naturæ integra & completa.

Dico Tertio, Ad quoddam tamē actus voluntatis requiritur expressum & formale iudicium intellectus.

Patet de intentione & electione; vt enim aliquid intendas consequi, necesse est vt procedat iudicium hoc esse possibile sive per te sive per alium. Vnde etiam spes iudicium requirit; quia est intentio consequendi saltem per alium. Si enim potes aliquod medium eligere, nisi rium, ante iudices esse idoneum, ad finem. Illi quoque motus qui apprehensione excitari possunt, vt complacientia & displeasantia, delectatio & operatio, possunt etiam expresso iudicio excitari: quod enim potest iudicium implicitum, potest etiam explicitum.

D V B I V M VI.

Vtrum ad mouendam voluntatem necessarius sit aliquis actus intellectus, quo voluntas omnino determinetur. Et si non; virum necessarium sit practicum iudicium?

M Edina in hunc articulum, docet duos actus intellectus esse necessarios, vt voluntas mouatur: Alterum quo speciosè obiectum proponatur, sicut oratio artificiose proponit, quod vult persuadere; & hunc actum non determinare voluntatem efficaciter. Alterum, quo intellectus imperet voluntati efficaciter, vt acceptet obiectum propositum. Hunc actum dicit efficaciter rapere voluntatem; & illo stante in intellectu, nullam restare libertatem in voluntate ad contradicendum. Fundamentum est; quia ad actum voluntatis requiritur imperium efficax, quod imperium est actus intellectus, quo intellectus iubet voluntati, vt velit aut nolit rem propositam. Atqui imperium non est efficax, si voluntas posset resistere: ergo &c.

Alij quidam requirunt quoddam iudicium particulare practicum, quo intellectus iudicet istud omnibus consideratis hic & nunc esse appetendum. Quo posito, dicunt non esse in potentia voluntas non acceptare: sicut posita visione beatifica non est in potentia voluntatis non amare.

F iii

*Simplex
apprehensio
potest vo-
luntatem
mouere.*

*Sic Lucifer
optauit
aqualita-
tem Dei.*

*Periculosum
sum est
imaginari
delectabili-
tatem.*

*In omni
appre-
hensione com-
plexi, ali-
quod iudi-
cium im-
plicitum
continetur.*